

**PEMBERITAHUAN PERTANYAAN LISAN  
DEWAN RAKYAT, MALAYSIA**

**PERTANYAAN : LISAN**  
**DARIPADA : TUAN HAJI AHMAD NAZLAN BIN IDRIS**  
**[ JERANTUT ]**  
**TARIKH : 30.10.2014(RABU)**

**TUAN HAJI AHMAD NAZLAN BIN IDRIS [ JERANTUT ]** minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan berapakah jumlah perbelanjaan yang telah dibelanjakan sehingga kini oleh Kementerian dalam program mengawal kenaikan harga barang serta masih ada lagi program-program yang belum dijalankan, dan jika ada mengapa ia belum dilaksanakan.

## **JAWAPAN:**

**Tuan Yang Di-Pertua,**

Kerajaan sememangnya prihatin tentang isu peningkatan kos sara hidup yang membebankan dan boleh menggugat kesejahteraan hidup rakyat. Justeru itu, Kementerian telah dan sedang melaksanakan pelbagai program bagi membantu mengurangkan bebanan kos sara hidup ini, antara lainnya melalui program-program berikut:

<b>BIL</b>	<b>PROGRAM KHUSUS</b>	<b>PERUNTUKAN (RM)</b>
1	PROGRAM PENGEDARAN BARANG PERLU, LPG DAN <i>COMMUNITY DRUMMING</i>	186,000,000
2	PROGRAM 1MALAYSIA 1HARGA	85,437,400
3	NBOS (MOBILE KR1M)	60,000,000
<b>JUMLAH</b>		<b>331,437,400</b>

Selain itu, Kementerian Perdagangan Dalam Negeri, Koperasi dan Kepenggunaan juga menganjurkan “Kempen Penurunan Harga” bermula tahun 2008. Kempen Penurunan Harga (KPH) ini merupakan salah satu inisiatif Kerajaan dengan kerjasama industri peruncitan bagi menawarkan barangan keperluan harian pada harga yang berpatutan. Penyertaan kempen ini adalah secara sukarela dari kalangan peniaga dengan peratusan penurunan harga barangan antara 10 hingga 70 peratus. Tempoh minima penurunan harga ialah selama 30 hari.

Kerajaan juga telah memperkenalkan Skim Kawalan Harga Musim Perayaan (SKHMP) yang dilaksanakan sejak tahun 2000 di bawah Akta Kawalan Harga dan Antipencatutan 2011 (dahulu dikenali sebagai Akta

Kawalan Harga 1946). Pengenalan Skim ini merupakan salah satu langkah yang diambil oleh Kerajaan untuk mengawal harga barang perlu semasa musim perayaan agar harga dan bekalan barangan keperluan utama seperti daging, ayam, bawang, telur dan sayur-sayuran adalah mencukupi dan ditawarkan pada harga yang telah ditetapkan.